

**Inuit Aqqinik Akuersisartut 27/06-2011, nal. 10.00 Oqaasileriffimmi
ataatsimiinnerannit imaqarniliaq**

Peqataasut: Sofie Petersen aamma Eva Møller Thomassen.
Peqataanngitsoq: Lotte Holm

Allatsi: Nuka Møller

1. Tikilluaqqusineq

LHO nalunaarpoq napparsimagami peqataasinnaanani. SP ataatsimiinnermi aqutisisussatut toqqarneqarpoq.

2. Siulittaasumik tullissaanillu qinersineq

Siulittaasussamik qinersinissaagaluq tulliani ataatsimiinnissamut kinguartinneqarpoq ilaasortat tamakkerlutik najuutinnginnerat pissutigalugu.

2.a Kingullermik ataatsimiinnerni imaqarniliat akuerineqarneri

Kingullermi ataatsimiinnermit imaqarniliat akuerineqarput. Puukamut tunngatillugu siunnersuutigineqarpoq ilaasortat e-mailikkut isummerfigissagaat, ilaasortat ilaat pineqartumut qanippallaarnini pissutigalugu isummernissaminik kissaateqannginnami.

3. Atit akuereqqullugit qinnutigisat:

a. *Arnaqa.*
Akuerineqarpoq.

b. *Ungaaja.*
Akuerineqarpoq.

c. *Qipinngi.*
Akuerineqarpoq

d. *Aviu.*
Akuerineqarpoq

e. *Niviaksianguak*
IAA-mi ilaasortat akuereqqullugu qinnuteqarnermut tunngavilersuutit qanoq ikkaluarpataluunniit atsersuisarnermut ilitsersuutini immik. 2 naapertorlugu aqqit allattaatsit atorpeqartut malittarisassa atitullugit allanneqartarnissaat innersuutigalugu atitut akuereqqullugu qinnutigineqartoq akuerinngilaat.

f. *Navaruna*
IAA-mi ilaasortat atitut akuereqqullugu qinnutigineqartoq akuerinngilaat atioreersumut allanguinerunera pissutigalugu. Innersuutigisinnaavaat naalisarnera Nava atorpeqarsinnasoq aterlu qallunaatoq Runa atiatut aappaattut atorlugu, kisianni katiternagit.

g. *Henrik II*

Palaseqarfik Aasianniit siarngutigineqartoq pillugu IAA-mi ilaasortat isummerput kisitsisit atitut atorineqarsinnaanngitsut. Taamaattoq ateeriittoqartillugu ulluinnarni paarlaassisoqannginnissaa anguniarlugu taamatut atorineqarsinnaasoq.

4. Aqqit pillugit suliat ataatsimiinnerup avataatigut ingerlaavartut.

Aqqit isumaat pillugit apeqqutigineqarsimasut allallu nalunaarsorneri tusaatissatut tiguneqarput.

5. Taasariaqartut allat

Nuunu -> Nunu.

Ataatsimiinnerup nalaani arnaq qallunaatut oqaluttoq sianerpoq atini *Nuunu* sivitsuutaarullugu allanngortikkumallugu. IAA-mi ilaasortat atersuisarnermut ilitsersuutini immik. 2 naapertorlugu aqqit allattaatsit atorineqartut malittarisassa atitut akuereqqullugu qinnutigineqartoq akuerinngilaat.

2007-ip kingorna akuerisat palaseqarfinnut siammarterneqassasut

IAA-mi ilaasortat aalajangerput sulinngiffeqareernerup kingorna aqqit “Kalaallit aqqisa nalunaarsorimaffiat” 2007-imi saqqummersup kingorna aqqit IAA-mit akuerineqarsimasut katersoriarlugit sinerissami palaseqarfinnut agguanneqassasut. Tassunga pissutaavoq 2007-ip kingorna akuerineqarsimasut palaseqarfinit saaffiginnissutigineqartaannarmata.

Aqqit pillugit ilisimatusaatit pillugit ataatsimeersuarnissaq

Ullaaq manna tiguneqarpoq Barcelonap ilisimatusarfiani septembarip tallimaanit qulingiluanut aqqit pillugit ilisimatusarneq pillugu ataatsimeersuortoqassasoq Barcelonami Spaniami. Paasissutisaq taanna ilaasortanut agguanneqassasoq aalajangerneqarpoq.

Tulliani ataatsimiinnissaq: Aalajangerneqarpoq pissasoq aggestusi qaammat sulinngiffeqarneq qaangiutereerpat.

Inussiarnersumik inuulluaritsi

Nuka Møller
Allatsi